

ხელშეკრულება #46
სახელმწიფო შესყიდვების შესახებ

ქ. ბათუმი

05 მარტი, 2018 წელი

ერთის მხრივ, შპს „ბათუმის წყალი” (შემდგომში – „შემსყიდველი”), წარმოდგენილი მისი გენერალური დირექტორის თენგიზ ქოქოლაძის სახით და მეორეს მხრივ შპს „ეკო სტილი” (შემდგომში - „მიმწოდებელი”), წარმოდგენილი მისი დირექტორის ირაკლი ბასილაძის სახით, სახელმწიფო შესყიდვების შესახებ კანონმდებლობისა და მიმწოდებლის სატენდერო წინადადების საფუძველზე, NAT180002051 აუქციონის გარეშე ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებული ტერმინთა განმარტებები

- 1.1. ხელშეკრულება სახელმწიფო შესყიდვის შესახებ (შემდგომში - „ხელშეკრულება”) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით. ხელშეკრულება შედგენილია სამი თანაბარი იურიდიული ძალის მქონე ეგზემპლარად ქართულ ენაზე, აქედან ერთი ეგზემპლარი გადაეცემა მიმწოდებელს, ორი –შემსყიდველს.
- 1.2. „ხელშეკრულების ღირებულება” – ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ნაკისრი ვალდებულებების სრული და ზედმიწევნით შესრულების სანაცვლოდ.
- 1.3. „დღე”, „კვირა”, „თვე” – სამუშაო დღე, კვირა, თვე.
- 1.4. „შემსყიდველი” – ორგანიზაცია, რომელიც ახორციელებს შესყიდვას.
- 1.5. „მიმწოდებელი” – პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.6. „საქონლის მიწოდება” – ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დოკუმენტაცია” – მიმწოდებლის მიერ NAT180002051 აუქციონის გარეშე ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია.

2. ხელშეკრულების საგანი

- 2.1. საღებავებისა და კედლის საფარების (CPV კოდი 44111400 - საღებავები და კედლის საფარები) შესყიდვა.
- 2.2. ხელშეკრულებით გათვალისწინებული მისაწოდებელი საქონლის აღწერა მითითებულია ტექნიკურ დოკუმენტაციაში.

3. ხელშეკრულების ღირებულება

- 3.1. ხელშეკრულების ღირებულება შეადგენს 24381,01 (ოცდაოთხი ათას სამასოთხმოცდაერთი ლარი და 01 თეთრი) ლარს დღგ-ს ჩათვლით.



ა. ა. გ.

3.2 შესყიდვის ობიექტის რაოდენობა, ერთეულის ფასი და მთლიანი თანხა განისაზღვრება ფასების ცხრილის (დანართი 1) მიხედვით, რომელიც წარმოადგენს ხელშეკრულების განუყოფელ ნაწილს.

3.2. ხელშეკრულების ღირებულება მოიცავს ხელშეკრულებით გათვალისწინებული საქონლის მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებს.

3.3. ხელშეკრულებით გათვალისწინებული ანგარიშსწორება განხორციელდება 2018 წლის შპს „ბათუმის წყლის“ კუთვნილი სახსრებით.

4. ანგარიშსწორების ფორმა და ვადები

4.1. მიმწოდებელთან ანგარიშსწორება შემსყიდველის მიერ განხორციელდება, უნაღდო ანგარიშსწორების ფორმით, ეროვნულ ვალუტაში.

4.2. მიმწოდებელთან ანგარიშსწორება შემსყიდველის მიერ იწარმოებს უნაღდო ანგარიშსწორების ფორმით, ეროვნულ ვალუტაში, საქონლის სრულად მიწოდების შემდეგ, შესაბამისი მიღება-ჩაბარების აქტის გაფორმებისა და შესაბამისი საანგარიშსწორებო დოკუმენტის წარმოდგენის, გაფორმებიდან 10 (ათი) სამუშაო დღის განმავლობაში, მიმწოდებლის მიერ მითითებული რეკვიზიტების მიხედვით.

5. მიღება - ჩაბარების წესი

5.1. საქონელი მიღებულად ჩაითვლება საქონლის მიღება-ჩაბარების აქტის გაფორმების შემდეგ.

5.2. შემსყიდველის მხრიდან მიწოდებული საქონლის შემოწმებას და მიღება-ჩაბარების აქტზე ხელმომწერ უფლებამოსილ პირს „წარმოადგენენ“ შპს „ბათუმის წყალის“ მატერიალური უზრუნველყოფის სამსახურის უფროსი დავით უორჯაძე; შპს „ბათუმის წყალი“-ს სამუშაოთა მწარმოებელი ოთარ მნელაძე.

6. საქონლის მიწოდების ადგილი, ვადა და ფორმა

6.1. მიმწოდებელმა უნდა უზრუნველყოს საქონლის მიწოდება ხელშეკრულების დადებიდან არაუგვიანეს 10 (ათი) სამუშაო დღის განმავლობაში.

6.2. საქონლის მიწოდების ადგილი – ქ. ბათუმი, შპს „ბათუმის წყალი“-ს მეჯინისწყლის სასაწყობე მეურნეობა. მიმწოდებელი საკუთარი ხარჯებით უზრუნველყოფს მიწოდებული საქონლის გადმოტვირთვას და შემსყიდველის მიერ მითითებულ ადგილზე დასაწყობებას.

7. მოწოდებული საქონლის ხარისხი და საგარანტიო პირობები

7.1. მიმწოდებელი იძლევა გარანტიას, რომ მიწოდებული საქონელი იქნება ხარისხიანი, ქარხნული შეფუთვით, უპასუხებს ხელშეკრულებითა და ტექნიკური დავალებით გათვალისწინებულ პირობებს და დააკმაყოფილებს შემსყიდველის მოთხოვნებს.

8. მხარეთა უფლება-მოვალეობანი

8.1. შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი;



ბ) საქონლის მიწოდების დასრულებამდე გამოითხოვოს მიმწოდებლისაგან მისთვის საჭირო დოკუმენტი.

8.2. შემსყიდველი ვალდებულია:

ა) უზრუნველყოს მიმწოდებლის მიერ მიწოდებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

ბ) უზრუნველყოს წარმომადგენლის გამოყოფა, რომელიც ზედამხედველობას გაუწევს საქონლის მიწოდებას;

8.3. მიმწოდებელი უფლებამოსილია მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

8.4. მიმწოდებელი ვალდებულია:

ა) განახორციელოს საქონლის მიწოდება სათანადო ხარისხითა და სრული მოცულობით, იმ ვადაში რომელიც მითითებულია წინამდებარე ხელშეკრულებაში;

ბ) უზრუნველყოს ტექნიკური დოკუმენტაციის შესაბამისი საქონლის მიწოდება, ტექნიკური დავალებით დადგენილი პრინციპების დაცვით;

გ) იმ შემთხვევაში თუ მიწოდებული საქონელი არ შეესაბამება ხელშეკრულების პირობებს, საკუთარი სახსრებით აღმოფხვრას არმოჩენილი ხარვეზი ან განახორციელოს წუნდებული საქონლის შეცვლა შემსყიდველის მხრიდან რაიმე დამატებითი დანახარჯის გაწევის გარეშე.

9. ხელშეკრულებით ნაკისრი ვალდებულებების შესრულების კონტროლი

9.1. ხელშეკრულებით ნაკისრი ვალდებულებების შესრულების კონტროლს განახორციელებენ: შპს „ბათუმის წყალი“-ს სამუშაოთა მწარმოებელი ოთარ ძნელაძე; შპს „ბათუმის წყალის“ მატერიალური უზრუნველყოფის სამსახურის წამყვანი სპეციალისტი ლერი ქაჯაია.


9.2. ამ მუხლის პირველი პუნქტით გათვალისწინებული პირების ფუნქციაა საქონლის მიწოდების ვადების, მიწოდებული საქონლის რაოდენობის, ტექნიკური მახასიათებლებისა და ხარისხის ხელშეკრულების მოთხოვნებთან შესაბამისობის დადგენა.

9.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზრაურება ეკისრება მიმწოდებელს საქართველოს კანონმდებლობით დადგენილი წესით.

10. მხარეთა პასუხისმგებლობა

10.1. ხელშეკრულების ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტებლო ყოველ ვადაგადაცილებულ დღეზე ხელშეკრულების საერთო ღირებულების 0.25%-ის ოდენობით. თუ დაკისრებული პირგასამტებლოს ჯამური თანხა გადააჭარბებს 4%-ს, შემსყიდველი იტოვებს უფლებას ცალმხრივად შეწყვიტოს ხელშეკრულება

10.2. პირგასამტებლოს გადახდა არ ანთავისუფლებს მხარეს ძირითადი ვალდებულებების შესრულებისაგან.



10.3. - ხელშეკრულებით ნაკისრი ვალდებულებების შეუსრულებლობის ან/და არაჯეროვნად შესრულების შემთხვევაში, ასევე ხელშეკრულების დროზე ადრე შეწყვეტის შემთხვევაში „მიმწოდებელს“ ეკისრება ჯარიმა ხელშეკრულების ჯამური ღირებულების 10 (ათი)პროცენტის ოდენობით.

11. ხელშეკრულებაში ცვლილების შეტანა და ხელშეკრულების შეწყვეტა

11.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქა-ლაქო კოდექსის 398-ე მუხლით გათვალისწინებული შემთხვევისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.3. საქართველოს სამოქა-ლაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

11.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის, ან ნაწილობრივ ან არაჯეროვნად შესრულების შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

11.5. მხარე ვალდებულია არანაკლებ 5 კალენდარული დღის ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს ხელშეკრულების შეწყვეტის შესახებ გადაწყვეტილების მიღების განზრახვის თაობაზე.

11.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

12. დაუძლეველი ძალა

12.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

12.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყონებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

12.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.



13. დავები და მათი გადაწყვეტის წესი

13.1. ხელშეკრულების მოქმედები პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

14. შეტყობინება

14.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება ელექტრონული ფოსტის საშუალებით, წერილის, დეპეშის, ტელექსის ან ფაქსის სახით, ხელშეკრულებაში მითითებული მეორე მხარის მისამართზე.

14.2. შეტყობინება შედის ძალაში ადრესატის მიერ მისი მიღების დღეს.

15. ხელშეკრულების მოქმედების ვადა

15.1. ხელშეკრულება ძალაში შედის მხარეთა მიერ მისი ხელმოწერის დღიდან და ძალაშია 2018 წლის 31 დეკემბრის ჩათვლით.

16. მხარეთა რეკვიზიტები

„შემსყიდველი“

შ.პ.ს. „ბათუმის წყალი“

მის: ქ. ბათუმი, თაბუკაშვილის ქ. №19
ს. კ. 245556679

ს.ს. „ლიბერთი ბანკი“

ბანკის კოდი: LBRTGE22

ა/ა GE53LB0113127202632008

ტელ: 577105270; 577982772.

ელ. მის: info@bats.ge;

„მიმღებელი“

შპს „ეკო სტილი“

იურ. მის: ქ. ბათუმი, სოხუმის ქ. 21
ს. კ. 445478750

ს.ს. „პროკრედიტ ბანკი“

ბანკის კოდი: MIBGGE22

ა/ა GE86PC0033600100051890

ტელ: 577201755

ელ. მის: nodmargroup@gmail.com

დირექტორი

ირაკლი ბასილაშვილი

(ხელმოწერა)



(ხელმოწერა)


ფასების ცხრილი

№	საქონლის დასახულება და აღწერილობა	მწარმოებელი ქვეყანა, მწარმოებელი კომპანია	განზომილება	რაოდენობა	ერთეულის ფასი დღგ-ს ჩათვლით	საერთო ფასი დღგ-ს ჩათვლით
1	პრაიმერი (გრუნტოვა); E.L.F. კლასის გარე და შიდა ზედაპირისათვის, სილაკრილის (Sila Cryl) ბაზაზე, (გამხსნელის გამოყენების გარეშე) მაღალშეღწევადი და წყალგაუმტარი, სიმკვრივე მიახლოებით 1,02 გრ / სმ 3, დაფასოება 10 ლიტრი. (საღებავი და პრაიმერი უნდა იყოს თავსებადი)	მწარმოებელი ქვეყანა : ესტონეთი მწარმოებელი კომპანია : Eskaro Group AB	ლიტრი	500	14,16	7080
2	საღებავი; E.L.F. კლასის აკრილატის ბაზაზე, ნებისმიერი გარე და შიდა ზედაპირისათვის, წყალგაუმტარობა, სველ მოხევის პირველი კლასი, ხელოვნური დისპერსია DIN 55945, მაღალი ცვეთამედეგობა DIN EN 13 300, ტუტე და მქავამედეგი, რეცხვადი სადეზინფექციო და სარეცხი საშუალებებით, ნაევრადმეტრალი (პოლუმატი), დაფასოება 10 ლიტრი, ხარჯი არაუმეტეს 125 გრამი 1 კვ/მეტრზე. (საღებავი და პრაიმერი უნდა იყოს თავსებადი)	მწარმოებელი ქვეყანა : ესტონეთი მწარმოებელი კომპანია : Eskaro Group AB	ლიტრი	800	21,24	16992
3	მშრალი ფიტი შიდა გამოყენებისათვის *დაფასოება ტომრებში *ვარგისიანობის ვადა მოწოდებიდან არაუმცირეს 6 თვე;	მწარმოებელი ქვეყანა : თურქეთი მწარმოებელი კომპანია : ABS Alçı ve Blok Sanayi A.Ş.	38	250	0,377	94,25
4	მშრალი ფიტი გარე გამოყენებისათვის (ფასადის შპაკლი) *დაფასოება ტომრებში; *ვარგისიანობის ვადა მოწოდებიდან არაუმცირეს 6 თვე;	მწარმოებელი ქვეყანა : თურქეთი მწარმოებელი კომპანია : ALFİL YAPI MALZEMELERİ MADENCİLİK MAKİNA SAN. TIC. LTD. ŞTİ.	38	260	0,826	214,76
	ჯამი დღგ-ს ჩათვლით					24381,01

შემსყიდვები
შპს „გათუმაშის წყალი
გენერალური დირექტორი
თენიგიზ ქოქილაძე



მიმწოდებელი
შპს „ეკო სტილი“
დირექტორი
ირაკლი ბაბილაძე



ინფორმაცია ინტერესთა კონფლიქტის შესახებ

ქ. ბათუმი

05 მარტი, 2018 წელი

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, ქვემოთ მითითებული თითოეული პირი ხელის მოწერით ადასტურებს, რომ შპს „ბათუმის წყალი“-ს მიერ 2018 წლის 07 თებერვალს გამოცხადებული NAT180002051 აუქციონის გარეშე ელექტრონული ტენდერის საშუალებით საღებავებისა და კედლის საფარების შესყიდვის განხორციელებაში სადაც მიმწოდებლად ფიქსირდება შპს „ეკო სტილი“ მისი მონაწილეობა არ იწვევს ინტერესთა კონფლიქტს.

შპს „ბათუმის წყალი“-ს

სამუშაოთა მწარმოებელი

m. 

ოთარ მნელაძე

შპს „ბათუმის წყალი“-ს მატერიალური
უზრუნველყოფის სამსახურის უფროსი

დავით ქორქაძე

შპს „ბათუმის წყალი“-ს მატერიალური

უზრუნველყოფის სამსახურის

წამყვანი სპეციალისტი



ლერი ქაჯაია